



REPUBLIKA E SHQIPERISE
UNIVERSITETI POLITEKNIK I TIRANES

SSP.03 STANDARDET E DOKUMENTACIONIT THEMELOR

SSP.03.01 Stema, vulat dhe adresa ne internet e UPT

Universiteti Politeknik i Tiranës duhet te kete vulën e vet zyrtare, sipas modelit të miratuar nga Këshilli i Ministrave.

Njesite kryesore te UPT duhet te kene vulen e tyre, sipas modelit te miratura nga Keshilli i Ministrave.

Stema e Universitetit Politeknik të Tiranës duhet te përmbaje pamjen ballore të korpusit kryesor, poshtë së cilës është shënuar (1951) dhe 1991, data që lidhen me historikun e tij, të rrethuara me dy rrathë brenda të cilit shënohet në formë harku UNIVERSITETI POLITEKNIK.

UPT duhet te kete faqen e tij të internetit me adresë www.upt.al, e cila duhet te administrohet nga UPT.

SSP.03.02 Standardi i Rregulloreve te brendshme te njesive kryesore dhe njesive baze ne UPT

Në përputhje me Ligjin “Për Arsimin e Lartë në Republikën e Shqipërisë” Nr. 9741, dt. 21.05.2007, i ndryshuar, dhe me Statutin e UPT, njesite kryesore dhe njesite baze, duhet te hartojnë rregulloret e tyre të brendshme dhe rregullore të tjera.

Rregullore te tjera, udhëzime, procedura, etj., që mund të dalin nga UPT, fakultetet dhe departamentet, duhet të jenë në përputhje me Ligjin e Arsimit të Lartë, aktet e tjera nënligjore, Statutin dhe Rregulloren e Universitetit Politeknik.

Rregulloret e brendshme të njësive kryesore të UPT duhet te hartohen nga këshillat e këtyre njësive dhe miratohen nga rektori i universitetit, ndërsa rregulloret e brendshme të njësive bazë duhet te hartohen prej këtyre njësive dhe duhet te miratohen nga dekani i fakultetit /drejtori i institutit.

Brenda vitit 2008 duhet te hartohen rregulloret e meposhteme:

- Rregullorja e UPT
- Rregullorja e funksionimit te Senatit
- Rregullorja e Rektoratit te UPT
- Rregullorja e funksionimit te Keshillit te Administrimit
- Rregullorja e funksionimit te Keshillit te Etikes Akademike
- Rregullorja e brendeshme per administrimin, financat dhe kontabilitetin
- Rregulloret e njesive kryesore
- Rregullorja e Keshillit te profesoreve
- Rregullorja per sigurimin e sistemit te cilesise
- Rregullorja e zgjedhjeve ne UPT

SSP.03.03 Standardi i dokumentacionit themelor te programeve të studimit

Organizimi i një programi studimi duhet te mbështetet në hartimin e dokumentacionit themelor të tij që duhet te jete:

- Plani mësimor
- Programet mësimore të disiplinave përbërëse
- Rregullorja mësimore e programit të studimit

SSP.03.04 Standardi i planit mësimor

Tërësia e veprimtarive formuese duhet te shprehet në Planin Mësimor, i cili është dokumenti themelor i programit të studimit. Plani mësimor duhet te përbëje dokumentacionin kryesor me karakter të gjerë informativ, në të cilin duhet te parashtrihen në mënyrë të përmbledhur sa mëposhtë vijon:

- a. Emërtimi i programit të studimit, objektivat formuese, kohëzgjatja normale e studimeve
- b. Tërësia e veprimtarive formuese (disiplinave) që përbëjnë programin e studimit, të grupuara në semestra dhe të renditura sipas semestrave.
- c. Kreditet për çdo veprimtari formuese, shpërndarjen e krediteve brenda një disipline sipas veprimtarive formuese të saj (leksione/ ushtrime/ seminare/ laboratorë/ detyra/ projekte, etj.), ngarkesa në auditor, ngarkesa javore në auditor.
- d. Karakteristikat e tezës së diplomës/provimit të formimit

Plani mësimor duhet të jete objekt rishikimi dhe vlerësimi periodik. Modalitetet për rishikimin e planit mësimor duhet të përcaktohen në rregulloret e fakulteteve. Këshilli i Fakultetit duhet të jete përgjegjës për vlerësimin e planit mësimor, ndërsa Senati Akademik duhet të jete përgjegjës për miratimin përfundimtar të tij.

SSP.03.05 Standardi i programit mësimor te lëndës

Programi mësimor i lëndës duhet të hartohet për çdo disiplinë që përmban plani mësimor. Në programin mësimor të lëndës duhet të jepet, në formë të përmbledhur, struktura e lëndës sipas ndarjeve të bëra në planin mësimor; përmbajtja e lëndës, duke e ndarë atë në pjesë, kapituj, apo edhe ndarje më të vogla; orët përkatëse në auditor për secilën nga këto ndarje, duke i specifikuar në leksione dhe seminare/ushtrime; detyrimet e lëndës, duke përshkruar shkurtimisht tematikën e detyrimeve dhe ç'pjesë të programit mbulon; stafi akademik i përfshirë në realizimin e saj. Programi mësimor i lëndës duhet të përmbajë gjithashtu njohuritë paraprake për ndjekjen e lëndës; kushtet e veçanta në lidhje me frekuentimin dhe shlyerjen e detyrimeve para formës finale të vlerësimit; mënyrën e vlerësimit, në të cilën shprehen vlerësimet për të gjitha aktivitetet formuese përbërëse të disiplinës; literatura rekomanduese, e cila mund të jetë tekst mësimor, përmbledhje leksionesh, përkthime, apo literaturë në gjuhë të huaj.

Programi mësimor i lëndës duhet të hartohet nga drejtuesi i lëndës (lektori), ose grup lektorësh, duhet të konsultohet në njësinë bazë përgjegjëse për programin përkatës të studimit dhe duhet të miratohet nga përgjegjësi i departamentit dhe dekani i fakultetit (ose dekanët e dy fakulteteve kur programi i studimit dhe disiplina përkatëse administrohen nga fakultete të ndryshme).

SSP.03.06 Standardi i Rregullorja mësimore e programit të studimit

Çdo program studimi duhet të kete rregulloren e tij mësimore. Rregullorja mësimore e programit të studimit duhet të hartohet nga departamenti/fakulteti përgjegjës për programin e studimit, duhet të vlerësohet në Këshillin e Fakultetit dhe duhet të miratohet në Senatin Akademik, së bashku me programin përkatës të studimit.

Rregullorja mësimore e programit të studimit, si bashkëshoqëruese e tij, duhet të jete objekt rishikimi periodik. Rishikimi duhet të bëhet para fillimit të vitit të ri akademik dhe duhet të synojë të korrigjohen problemet që janë ndeshur gjatë procesit mësimor, të përmirësohen dhe përditësohen elementë të ndryshëm të programit të studimit. Përgjegjësitë për ndryshimin e rregullores mësimore të programit të studimit duhet të jepen në rregulloren e fakulteteve.

Në rregulloren mësimore të programit të studimit duhet të parashikohet numri maksimal i krediteve që mund të njihen në atë program për njohuri të fituara më parë nga studentët, në përputhje me nenin 28 të Rregullores së UPT. Numri maksimal i krediteve nuk mund të jetë më i madh se 60 kredite për programet e studimit të ciklit të parë dhe 40 kredite për programet e studimit të ciklit të dytë.